



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 二六六

葵園詩集四卷 陳惠榮 撰

一

慕陵詩稿二卷補遺一卷附陳松齡大巖賸草一卷 陳榮杰 撰

五五

謝梅莊先生遺集八卷附西北域記一卷 謝濟世 撰

一二三

蔭松堂詩集八卷蘭谷草堂稿不分卷 龍爲霖 撰

一七七

餘集二卷附一卷 楊廷璋 撰

三〇七

介石堂詩集十卷介石堂文集十卷 郭起元 撰

三四五

澗叟存愚二卷 李清植 撰

五五一

序

千古風雅中人寔千古忠孝中人也訪竊主字涇東敦厚必根於至性而後傳言以宣之言之不足而長言之長言之不足而嘆歎之纏綿悱惻皆奉三百篇之激音使人讀之如食蓀栗味由苦而得甘所謂發乎情止乎禮義端主是也竊正甲辰余辛

同安州大宗伯月溪先生楊誠進士除庶吉士文章行誼皆奉宗伯為主臬臬今已三十有六年矣早從邱第訪哲兄密山方伯言論風采醇謹如萬石家風蓋不以詩馭驚為雄渾雅健脰胎少陵繼宰枝江政聲卓然為三楚冠庶官點中方伯不相見

序

者二十餘年丁卯余典試江南適方伯移藩皖城秋榜南撤棘驚聞凶耗余即哭諸寢門洎歸便廩復以不得讀遺稿為之盡然三嗣君皆名進士長君宰宜興即南台校所拔皆得其尤次若華亭府志著循聲三召讀書中秘晨夕晤對以余與芳甫

交素久且篤屬余商推並索序簡端方伯應官楚點是時堂上春秋高明費不寐有懷二人繼此風才情、聲調俱下騁業終其身待仲季友于和協有古田風所以仲季秩宗季秉秦臬皆道伯氏矩矱有彰於內外及其治民易直子諫邨泰名棠棠

合古人量而所謂忠信之長慈
惠之師已居越車薦矣矜以字
民未登衽席用為殷憂取信歌
詠他如懷人弔古賦物摛情皆
得風人比興之義方伯之詩宜
方伯之人為之也讀方伯之詩
忠孝之心可以油然而生矣余
即書此以復太史公並就正兩
序



葵園詩集目錄

卷一

五言古體三十八首

七言古體二十四首

卷二

五言近體一百三十八首

五言排律四首

卷三

七言近體一百三十首

葵園詩集

目錄

卷四

五言絕句六首

七言絕句一百一十六首

葵園詩集卷一

五言古體

武興陳惠榮密山氏著



九日同人集飲張安士齋中

羈人驚歲序風雨逼重陽白衣不送酒負此菊花
黃幸攜同門友得上君子堂嘉會難再遇乘興各
飛觴坐久月弄影清輝照衣裳長空一雁度秋色
何蒼蒼男兒重知已遊子念故鄉把酒臨西風長
歌慨以慷當年擊筑者意氣多激昂寸心託杯酒
車笠莫相忘

葵園詩集

卷一

長安客寓值家慈壽日思歸有感得詩三

首

人生離鄉井出門各有因不然父母在敢作遠遊
身慨焉念北堂介壽及新春貧家素淡泊珍錯何
由陳喜得諸弟妹嬉笑足娛親令我滯京畿欲往
阻重閨遙知稱觴處念我綵衣新故鄉伊可懷不
獨為菰蓴
桓山有飛鳥養子育深林翮健一分飛中夜發哀
音我姊昔遠嫁我母悲不禁我昨出門時執袂幾

沉吟衰年復多病華髮日以侵丈夫懸弧志孝子
愛日心何時效反哺奮翼歸山岑

九熊兒知苦搯臂兒知痛風雪滿長安耿耿勞魂
夢我父擁寒氈淡泊分清俸我母任蘋蘩婚嫁牽
愁重薄祿兒未沾無鮮何由送永懷父母年方寸
怍怍動梁山有遺榛瑤琴閒自弄

出都門遇風作

曉風吹落月黯淡半窻白拂竹寒蕭颼客子愁行
役嚴裝出都門冠蓋紛絡繹輕車碾黃沙石子聲

葵園詩集

卷一

格格須臾天地昏對面人語隔萬竅相怒號百物
咸促迫衝颿上危橋牛馬毛蝟磔嗟峨百尺餘吹
落行人魄家鄉渺難即覺覺將安造伊余薄劣安
受此水霜厄短景暗相催又見羣山夕

良鄉道中書所見

凍轍啣車輪十月長安道刺骨風稜稜衝眸沙浩
浩路旁一乞兒凍死村前廟蒙茸藍縷衣慘淡饑
寒貌無人為掩埋日夕鷺鳥噪霜氣東僵魂白月
淒相弔近聞大有年撫字宸周召遍地盡嘉禾普

天無旱潦功令阻流民嚴防如緝盜此地枕神京
斯人焉得到漠漠塵埃中長途逐反照念彼泉下
人無言但悲嘯哀哉菜色民荒獨真無告

軍中元夕讌集徐非亮總戎邸署分得中字

少年學書劍慷慨思從戎執掌簿書間瑣細如雕
蟲棘門揖將軍緬懷黃石公山魈潛寶鏐天狗迴
駢弓伯仲孫吳間談笑開蚕叢閒時弄柔翰幟樹
文壇雄良宵讌嘉客共此春燈紅南北雖異迹懷
抱欣所同月耿烽煙外詩敲刁斗中大造舒元氣

蔡園詩集

卷一

三

斗柄已向東營門看細柳裊裊含輕風將軍順天
時閨闕無終窮豈無休養術安此中澤鴻迂儒媿
椽筆何以銘豐功試看松嶺上銅柱摩蒼穹

贈別閻秀才彰善

鷹隼橫高秋側眼增英鷺支遁亦何心愛此雄俊
質閨生個儻人慷慨負奇氣沉酣鄴侯架詩書滌
腸胃文體歸清簡澄霽朝嵐翠詩筆太縱橫高原
飛鐵騎真宰意茫然乘風仍塌翅崢嶸五嶽胸極
目傷時世布衣叩戟轅長呼論積弊萬姓豁誅求

寧非子嘉惠胡為憎多口訕謗集如蜩螗燭雙眼
青終不奪浮議相期德業成神交契道義君如玉
在璞我似舟不繫勞臣畏簡書寒風吹客袂握手
楚江湄征帆遠天際臨岐贈以言君才誠國器盛
世方求賢干將豈終棄范公作諸生康濟有大志
崑勉繼高踪勿為溫飽計珍重秦疏筆天衢看聯
轡此是呂虔刀雲霄勞憶記

送他山道人

先生何許人上與羲文徒衡嶽隱君子讀徹萬卷

卷一

四

書髮披脚不襪胸有象罔珠相見但飲酒不復問
其餘杖頭懸太極萬象涵空虛炯然無念處照見
天地初經年一破衲百沴潛驅除遙知離坎際別
具陰陽爐心止跡不住動靜隨卷舒長嘯下寒山
閒雲與之俱勞臣羈世鞅永雪歲已徂傷心風樹
痛仰愧歸飛鳥意欲從君逝淹遲阮籍途兼嗟骨
相俗無翼凌蓬壺會終罔極報偃息棲敝廬括囊
却悔吝靜對先天圖

分水嶺

蓐食起行役逶迤上層岡層岡何崔巍上有官兵塘時清罷險阻壯士勞分防直下十里溝靡靡敗草黃枯蘆挺寒英卓立如旗槍懸枝亞紅豆凍雀孤棲僵天風吹雪來浙浙沾衣裳羣鴉忽驚飛雙松蔭石梁天寒澗流涸蘚壁留青蒼泥深石路滑從者無餘糧相顧有寒色枵腹行踉蹌余力亦困憊回首心傍徨胡為五斗米隆冬歷巖疆王事不辭難臣職何敢忘

紅花鋪宿羅野人家

蔡園詩集

卷一

五

荒山無旅店日暮空躊躇蹣跚一老翁長揖當肩輿牛羊散不收田塍路縈紆柴門向水掩一榻松間廬延余至其家山肴薦園蔬苦言今歲旱塘乾堰無魚大兒朝入城歲晚輸官租小兒喜客至啞啞牽爺裾即此羨閒逸勞役愧不如樹靜風息後鵝鳴月生初獨寐繁澗中曉夢猶遽遽

鷄公巖

前山遮我面後山壓我頭兩山相對峙中有寒江流山腹緣一線仄徑愁猿猴足下尺寸地踳踳勞

雙眸逡巡上石橋豁然紆我憂橋頭有縣吏持簿扼咽喉窮巖採藥客深潭放獺舟絲毫盡輸稅出入難自由荒山土田薄衣食外何求寄言賢令尹餘力為民留

長陽縣

無池江浩浩無城石嶙嶙惟天有設險築鑿徒苦辛是日天雨雪仰睇山無垠遙知青冥氣暗與山相吞地僻幸無盜賴有虎夜巡民畏盜如虎吏乃與虎親猛虎不受賄飛噬如孤豚有虎能噬盜有

蔡園詩集

卷一

六

吏乃噬人剥膚吸其髓始知猛虎仁向晚閉我戶婦子同欣欣不畏盜入室亦無吏叩門欣然酣一枕暫作羲皇民

清江

清江天上來縹緲歷雲漢雲根養深淵毛髮明可鑒發源施州衛千里橫匹練或為石所激吼雷勢奔電澗底纖鱗遊表裡皆洞見當其清淺時手掬足可踐滙作無底潭空明光一片方春雷雨動天矯蛟龍現宜都入川江無復此顏面渾灝成其大

豈云不善變願助東海深舊山何必戀

白虎隴

招徠古蠻地隔水山如屏人行苦竹林巖霧何冥冥
山熊引其子千仞攀高藤擲石落深澗坐使行人驚
路旁一紅石上有雙龜形土人鑿其足云是山中精
陰森孕光怪或為魑魅憑龜為聖人瑞傳紀稱四靈
若非負圖出卦畫何由呈真龜不作祟况乃石所生
惻惻獲麟意三嘆長拊膺

卸甲溝

蔡園詩集

卷一

七

山形如醉翁佯倭欲顛仆雲林意叢密水石氣局
蹙嚴霜飛不到青翠豁人目碩果綴餘柑小紅亞
天竹澗底數枝梅橫斜過石屋東榮參差開含春
媚幽獨到此坐忘疲欲徃意還復乃知草木心舒
榮在巖谷我欲結茅庵餐霞友麋鹿

飛魚灘

山靈厭寂寞推石堆山坳河伯怒驅之奮作風雷
號水頭落雲中勢與帆檣高舵工挾長技一葉隨
驚濤撇換轉石罅生死爭秋毫瞬息數百里東逝

不可招我舟逆流上飛泉灑林梢僕夫引竹纜舟
子刺松篙進尺還退寸目瞪心搖搖勢平流忽散
巨艦輕如毛瞋色赴林壑停泊傍漁舫吹火煮夜
粥共慰推挽勞重唇白甲魚出網鮮可庖掩篷讀
我書斟酌樽中醪前灘名虎嘯西上更岑崕且復
永今夕何暇問明朝

巴山峽

兩山誰劈開夾立成隘巷斜紋似頽城相雄不相
讓潭水似井泉洞深靜無浪倒垂松杉影瀕洞黑

蔡園詩集

卷一

八

光漾我舟鼓枻來容與中流放哀猿駭人聲飛逐
烟蘿上雲裡一聲啼愁人悄相向仰睇一線天重
重疊高嶂日月缺照臨山川氣淒愴遙想溫太真
燃犀氣何壯隱隱見水怪波底暗鼓盪相送一帆
風默受神龍貺

天門巖

峭壁如掌立細路掌上紋魚貫行其中惻惻驚我
魂足怯青薜皮手拊枯藤根人前不見路一線徒
循循巖轉天門開青空氣氤氲雙石兀碑起勢如

虎豹蹲奇樹同奇鬼森立欲搏人闐然叩石鼓直
恐驚帝閭樹梢掛寒日伸臂似可捫俯視見萬壑
遙天多白雲登高臨深戒念我父母身委質膺一
命此義難並陳叱馭九折阪勞人蓋有因

枝柘坪

天地亦厭奇山開見平地四圍樹色蒼一道泉流
細板屋午鷄聲寂歷枕源意父老怒馬憂望君如
望歲前令賄通蠻日夕不甘食守土不愛民赤子
失所庇作俑獸食人流毒惟貪吏引蠻如決泉逐

葵園詩集

卷一

九

蠻如拔刺乃知牧民者鳴琴期省事蠶食千天誅
虎踞格聖治仗信驅諸蠻豁然掃撓彗從此閉烟
霞擊壤唐虞世

白益寨

半嶺破雲上砭肌氣凜冽昨日一峯陰不知天已
雪苦竹偃餘青飛瀑停幽咽老樹纏枯藤疑為寒
所結朝朝行危崖下顧憂傾跌咫尺不見人寧覺
乘險絕孤裘敝蒙茸盡為荆棘裂胡為供奔走險
阻經磨折我骨本耐寒行行何足說

五峯司諭蠻

天地積高厚萬類乘綢繆蜂房及蟻穴各自王其
羣帝意欲並生況乃冠帶倫我

皇奮神武四海知尊親天戈向西指聲教踰崑崙
祖孫受蕃養國制當謹遵胡為實逼處煩擾愁我
人中丞念疥癬不足瀆九閭肺腸在爾腹利害何
庸陳雨露遍九垓窮山藏古春龜勉供爾職從善
貴自新試看跋扈者不戢焚其身爾縱不自愛毋
乃傷

葵園詩集

卷一

十

皇仁

水車

山溪多急流崩騰下重險兩岸饒山田卧柳橫波
偃中激大車輪竹筒葛密綰輪仄筒水傾滴注承
溜板竹竿細細分平疇見清淺我聞造化功雨露
埏埴滿一氣相盪摩乾坤自旋轉河源在天上星
槎豈荒遠野人重農事本務不可緩桔槔挽太勞
輶輶綆蠲短此機近天機至道紛在眼為語漢陰
翁抱甕庶可免

鎮遠橋北諸洞

布金無尺地飛閣嵌石竇鳥外緣秋毫憑雲費結
構危磴一線垂丹青翳龍驚梵放落閭閻僧歸似
猿狄堆砌錦屏山蠻夷洗荒陋中元小洞天三門
何剔透碑書紫陽院斑剝被古繡摠衣登山腰藤
蘿翳懷袖中有兩書生高文課清晝自拋詩書綠
蹭蹬駕馬後開緘展夙晤絕境此邂逅裊裊青龍
菴乘凌俯高岫獨樹偃倭垂團如華蓋覆憑欄豁
遐睇山水滌左右滇黔扼門戶商旅紛輻輳嘔啞

葵園詩集

卷一

十一

響中沉漁歌舷自扣春風到天涯桃李花開又棘
人感夢我沉憂肌骨瘦蹉跎歲月道罪戾彌宇宙
信宿買孤舟好趁前溪溜

飛雲洞

古巖如雲覆山根敞幽邃石形各異狀一一煩仰
睇玲瓏水筋滴比薈蜂房次滑突人乳垂拳曲佛
手繫大者疑雲龍頭爪露靈異又如洪濤翻盤渦
互騰沸沉沉太古色青蒼鬱虧蔽遙想融結初真
宰勞位置中間供維摩十笏香花地下有不測洞

蒙幕鬼窟悶蘊蓄雲水根吐納山川氣倉皇昔經
過鞅掌役王事今茲撫石闌揮酒勞人淚亭午天
微晴杏花辭故蒂方池一泓水清澈識我意老栢
勢更奇撐拄青霄際千年霜雪皮秀翠含古媚日
月促勞筋倦足此暫憇意與雲俱遲蠻荒展佳麗
摩挲亭上碑遊人富清製媿無曹劉才難勒石上
字好帶片雲歸閒擬柳州記

堦下蟻閭用扇拂之戲題

退食展良觀逍遙步深院樹根見羣蟻膠葛酣鬪

葵園詩集

卷一

十二

戰呼童前布席拂以蒲葵扇紛然緣草根求穴各
奔竄伊有記事臣載筆應上殿大書某月日兩軍
正相見天風吹黃沙師潰互踏踐收隊各依壘蓄
銳更伺便人生亦倮虫攘攘盈赤縣嗜欲各有求
情偽遞相煽吞噬蠢然動吉凶見常變豈無飛仙
人乘鸞注遐盼下顧憫網羅惻然念塗炭橋中吏
豈妖蝸角國非幻小大入曠觀人物理一貫念我
渺小躬追隨忝羣彥微生愧蟻螻時光歛奔電天
末螻蟻臣何以答深眷緬維三才理至聖有參贊

讀張山人詩卷

熱客競朱門哲人獨埋照寂寞少微星江天耿孤
耀先生任天真坎壈窮登眺披豁山水情採擷烟
霞料縱橫萬卷書寓目領其要澹然聲色外丰骨
見逸峭潑墨圖輞川一一歸神妙我本鷗鷺羣微
名走荒徼野性倦簪紱束縛終難肖展君冰雪文
拈花見微笑大雅久寂寥誰續千古調噉然鸞鳳
音愧此蛙蚓竅何當詣高齋更聽蘇門嘯

黃太守筵前夜聽南將軍彈琴

葵園詩集

卷一

十三

將軍名家子昆弟聯華簪霓旌搖赤羽寶劍耀黃
金有時一卷書偃仰發高吟興酣飛健筆翰墨燦
璆琳瀟灑對樽酒袞帶衆所欽且焚蘭茝香為拂
龍唇琴一彈生遐想再彈滌煩襟颯颯爾風雨至悠
然山水深蘿軒仄微月清聽迴舊林乃知鍾鼎業
要具邱壑心斟酌運元氣薰風奏當今提衡大司
馬遐荒霽商霖小大七絃調子和鶴在陰將軍彈
一曲梧鳳高千尋勿謂和者寡廊廟多知音

述哀三首

葵園詩集

卷一

十四

聞昔丁卯歲沴氣殤我兄家門正衰落含淚傷零
丁逾年始生我愛如掌珠擎何期受命薄幼甘孱
疾嬰五歲苦胃弱癥塊結我胸藥餌罔奏效巫祝
難乞靈我母中夜起摩挲延兒生兒醒怒拒母反
側發嗔聲母侍伺兒睡雙手還頻仍每恨為母苦
一夜常十驚那知慈母曉炯炯東方明譬如松桂
枝萌孽發前庭倘被虫蠹傷損幹何由成悠悠四
十年此景常服膺永懷劬勞念有淚如河傾
鬱鬱園中樹結實紛青黃常令枝葉披暗使根本

傷我母鞠子哀顧復難具詳況是寒素家衣食多
周章典釵朝佐饔爨火秋縫裳笑啼閑一室辛苦
相扶將衆雖既長成翮健各翱翔男仕女已嫁同
根忽異方居者不自覺去者常相望大義雖勉慰
默默迴肝腸人生非金石弱體何能康如彼崢嶸
月迫此夕日光我生胡為者縻祿在巖疆何以舒
我恨恨與天地荒
我父服初終我母頭已雪胡為七旬親忍作萬里
別空名竅誤人

玉詔下金闕詞受香案前駕促昆明轍登堂辭老
母欲語聲嗚咽母言有弟妹朝夕足怡悅莫負
聖明時勉旃効臣節一麾守烏撒寒暄條五閩呼
號魑魅羣蒙幕黠黠穴異俗最驚心兵戈况騷屑
刁斗耿不眠明發肺肝熱羽書鞅掌間告請空饒
舌回首倚門人情知是永訣輾轉顚蒼天人生有
耄耄一紙訃音來悔恨從何說悠悠出岫雲浮空
自明滅飄飄隨風蓬終與本根絕故園山水重秋
燈形影子夜夜杜鵑聲一聲一點血

蔡園詩集

卷一

十五

入黔中

我行兵燹餘羊腸路盤繞屋火焦高林人膏肥原
草灰燼風猶飛燐青雨自灼遺黎編茅屋孤筇子
相保年華依舊來田荒苦力少數隴及秋成禾黍
垂垂好死者鬼雖饑生者聊一飽於此卜天心已
厭兵戈擾
皇東正惻注仁風遍荒徼否泰有循環甘霖潤枯
槁沿途仆病人沴氣疑未了目擊瘡痍形寸心怒
如搖何以惠邊氓善人以爲寶

五十初度

七十古稱稀百年胡已半暮景易飛騰顏輪迫西
餞筋力幸未衰鬚髮苦欲變無計駐紅顏覽鏡增
三嘆德業愧不成婚嫁完私願回首少年場晨星
無幾見侵尋衰白來孰謂非天眷但恐悔吝多知
非行未踐神仙不可求名山遊豈遍汲汲寡過心
行疇自觀玩

百盈泉

我行北山下榛莽翳縱橫中有扁汨泉吐納閨神

蔡園詩集

卷一

十六

靈長時甫邁尺涸去寂無聲既涸還復長晝夜似
有程冥心玩其故此理難達明崑源及尾閭西注
東方傾胡爲一勺水俄頃見虧盈人生即天地呼
吸象可徵山澤氣相感通復理惟誠大哉消息機
終古無時停

一碗水

在貴定縣路旁

石砌水一泓湛然手可掬不溢亦不虧方寸自涵
蓄行旅駢肩來憩息在山麓冷然侵心脾救渴如
醺醪潤物功雖微活人量已足豈是方諸生或有

寒流伏不然一碗水胡化億萬斛我更願此水化作羹與粥及此瓊尾秋暫果殘黎腹

初夏夜坐

西輝霽餘白微月淡已明蝙蝠如飛燕翩翩掠前楹幽人倚庭樹仰睇天宇清輕風城南來隱隱聞蛙聲閒心自澄澈身世兩無營始知早夜間喧寂俱有情忘機恣吟弄觀化悟行生蕭然夜坐久砌草露華盈

落一箇有感

葵園詩集

卷一

十七

晨食茵忽脫感嘆未釋手譬如一葉飛信在三秋後念我舌與唇與爾為三友剛柔互相用五味常適口磨礪四十年積勞亦云久胡為駢貝質無端成斷白罷敝虫蠹生據爾為淵藪豁達已外離空洞況中朽造物持與蟲戀惜吾何有始知百年身骨肉難相守悠悠世外緣愈覺如芻狗扶桑東日輝出卯忽及酉誰能繫烏兔晝夜停飛走幾時雪滿頭何人柳生肘輪彈付蒼天開緘晤莊叟

雜興

葵園詩集

我生本樸野於世復少機委心勤所務應對拙言詞瑕疵幸獲免扞格在幾微幾微豈難合懼與夙昔違深藏無長物洞然開重扉雖被親識笑庶免小人疑此理本鴻鈞千聖又我貽冥懷玩魚鳥詎謂知者希

七言古體

題吳道子畫鬼

君不聞僧繇畫龍不點睛毀垣破壁霹靂鳴又不聞子華畫馬雙瞳紫踉蹌長嘶北風起古來名畫

葵園詩集

卷一

十八

自有神吳生畫鬼更絕倫電眸虎齒倚長劍猙獰盤礴欲搏人我聞真蹟留在曲陽縣天陰月黑靈常見破廟狐鳴披髮號號寒松鳴嘯揮戈戰阿誰摹向石刻中經營慘淡自不同頭角閃爍起燐火衣裳綵縷生旋風殿前虛耗休來戲終南進士能吞啞牛馬形容豺虎姿魑魍魎應潛避

賦得春草送沈方舟南歸

烟漠漠雨霏霏萋萋芳草燕雙飛天涯一片青袍色相送王孫匹馬歸江北風沙春已暮春在白門

一一

桃葉渡水遠天長不見君夕陽照斷連天處

遊碧英洞遇採葢老嫗感而賦此

碧英洞前山矗矗道逢老嫗們心哭面如黃葉髻
如絲颯颯悲風動林木我問老嫗何煩冤幾回欲
語聲還吞自言鄉貫本山左迤荒流落在山村有
兒長成頗得力樵採深山被虎食血化年年野火
青魂歸夜夜楓林黑兒有二姊顏色嬌賣得錢刀
充米直金谷名園下馬陵存七十載無消息老翁
年已六十餘手執腰鑪刈荆棘墮向巉岼數仞崖

葵園詩集

卷一

九

筋傷骨折扶床泣厨下曾無隔宿糧忍饑採葢洞
門旁骨髓乾枯心力竭徘徊樹下增感傷一哭兮
念我出腹子可憐死者長已矣再哭兮嬌女在誰
家浮雲渺渺天之涯無女無兒年已暮天地茫茫
何處住冬雪寒侵橡栗枝秋山晚逼桑榆樹我聞
此語心淒然傾囊與之無百錢再三致謝提筐去
千峯點點生寒烟憶昨來自長安道長安道上多
年少玉勒金羈喜共馳珊瑚錦帳爭相耀葢屋艱
難總不知纒頭度曲皆英妙可憐外吏司牧民剥

民骨肉肥其身更與豪家作鷹犬乞憐昏夜輸金
銀吁嗟乎紛紛盡買朱門笑誰念深山痛哭人

周敬齋索詩贈堪輿劉生詩以嘲之

黑風吹海長鯨死天吳夜徙蓬萊水烈火燒天山
岳摧劫灰飛入滄溟底百年日晷一何速勞勞牛
馬空馳逐何來黃土髑髏堆泉下能為子孫福我
聞人生生在石火中一樹花飛一夜風何知墮入
泥塗裏何意飛來錦繡叢又聞錫慶降殃人自致
蒼龍白虎潛移位羊氏終為折臂公陶家自得眠

葵園詩集

卷一

三

牛地青松樹白楸棺紛紛葬遍北邙山君不見漢
唐陵寢金銀穴王氣何年已銷滅草色平填雁鶩
池石花冷迸麒麟血

題鍾旭食鬼圖

嗷嗷鬼哭寒風颼頽雲夜捲蚩尤旗藍袍角帶雙
鞭垂殺機凜凜橫鬚眉一聲咤叱陰燐飛載翕其
舌南有箕抽腸大嚼血淋漓白楊颯颯黃狐悲吁
嗟乎男兒志在除邪生不第安能使魍魎魍魎常
為厲

棄婦行為友人作

桃花何灼灼爛漫迎風開春歸紅已歇鷓鴣莫相
催憶昔蓮門同食力蕭蕭絡緯霜中織佐君夜讀
買蘭膏典盡釵鈿無怨色君今已貴妾已老紅顏
那比新人好避賢不敢妬蛾眉何須定刈當門草
野徑雲低樹色微樹頭鳩婦已分飛也知性拙應
遭逐風雨飄搖何處歸

盛夏閉館讀書歌

大火未流金正伏天門焰焰龍啣燭濃陰一樹碧

葵園詩集

卷一

五

侵門開牕几簾生微綠採芸作壁風作輪五侯自
富我自貧手把一編消永日即此已是羲皇人螢
流風蟬咽露塵尾驅蠅香辟蠹呼童閉戶煎新茶
微風拂拂槐落花莫效長安襦襖子紛紛逐熱到
人家

焦山瘞鶴銘淪入江汜七百年矣家滄洲公

捐貲募力士挽出之得五石凡七十二字
復還舊觀建亭山院因作長歌以紀其事
人歸地底鶴冲天穹碑矗巖焦山巔上皇山樵飛

葵園詩集

卷一

三

神筆銀鈎鐵畫常蜿蜒果然奇物天亦忌豐隆肆
虐山無權雄雷雌雷聲震震珠飛玉碎沉深淵珊
瑚明月耀水底老魚撥刺蛟蜃出歐公蘓公稱好
古臨江酌酒心留連嚴冬水落斷碣出苔蘚荇藻
相糾纏眠沙藉草榻數字十指欲裂身拘攣晨星
落落見者少賸文偽本爭流傳蘓州太守天下士
孤搦直比松筠堅收拾殘碑奠山麓鳩工首倡寅
僚先巨靈開山龍徙水山魃水怪紛相牽移來位
置維摩院覆以茅亭護以欄昂沉泗水飯出獄神

物隱見豈偶然我聞當年瘞鶴日依稀猶紀壬辰
年迄今一千三百載質雖金石何能全罡風劫火
幾燔燒洪波巨浪長洄洑炳然七十有餘字直與
天地同綿綿龜文剥裂龍蛇隱鋒鏑禿盡精神完
周宣紀獵有石鼓年年秋草埋寒烟一從認出蚪
蚪字升諸清廟陳宮懸千秋會應有真賞璧沉終
出珠終還人物果能成不朽何論滄海為桑田
送王文洲赴威海衛學博士
翩然去去東海濱重君高義憐君貧驥伏鹽車桐

佐饜紛紛青紫更何人首肯可憐升斗祿寒齋遠
傍鮫人宿毛義方因捧檄歡嗣宗又向窮途哭論
文置酒課諸生文瀾夜湧天河傾觀海能教百川
小垂綸連舉六鰲輕知君意與冥鴻遠把酒送君
情不淺柳絮沾泥蚕作繭寒郊自惜孤蓬轉

過栢鄉謁光武廟 并序

栢鄉北十里許相傳為光武斬石人處廟
貌巋然庭中有石人二高數尺風雨剝裂
其形僅存按後漢書遺此事豈在王郎兵

葵園詩集

卷一

五

變時與抑父老傳聞之誤也因為長歌以
紀之

新莽專權炎祚徙赤眉銅馬妖氛起天教白水出
真人封狐泣血長鯨死麥飯亭前衰草路我来憑
弔空烟樹繫馬荒村讀古碑碑題劍斬石人處整
衣再拜入廟中珠帳塵蒙玉座空荒苔密繡長廊
雨野鳥羣呼古木風憶昔王郎猶未滅豺狼滿地
龍蛇結下博城西遇老人薄沱一夕冰如鐵此事
傳聞真與誤帝王自有神靈護一劍能教金石開

火飛電掣雷霆怒君不見蛇斷空山赤帝興嗷嗷
鬼哭秋郊暮

墮城行

雪色無天百草枯荒村寂寞烟火無槎枒古木啼
饑鳥老翁十月寒無襦罌瓶僅有數斗米老婦噓
寒敔繚紉呼兒負擔向城中揮汗成冰霜落指城
裏官差如健鶻奪向公門何倉猝門前候僮立黃
昏酸風吹透窮人骨含淚歸來無米價翁罵兒頑
謂兒詐未待天明逼入城九閩虎豹又猙獰進退

葵園詩集

卷一

五

無門真孔棘不惜一身臨不測登城大叫墮城闔
荒荒寒日無顏色翁婦泣兒遭笞逐朱符押瘞城
南麓城南夜夜冤魂哭

秋雨三章章五句

秋雨淫淫風力微雨中刈穀忍朝饑負擔歸家水
浸扉穀穗生芽穀根爛一時化作秋螢飛
秋雨淫淫風色急丁丁漏屋床頭濕僻壤房危兒
夜泣呼燈敲火火不燃抱兒一夜巡簷立
秋雨淫淫風勢壯防堤夜宿河堤上高低隱見魚